



Här Fernand Etgen
President vun der Chamber

Lëtzebuerg, den 31. Juli 2023

Här President,

Esou wéi den Artikel 80 vum Chambersreglement et virgesäit, bieden ech Iech, dës parlamentaresch Fro un den Här Transportminister a Minister fir ëffentlech Baute weiderzeleeden.

Eisen Informatiounen no ginn et bei der Firma lux-Airport SA, Société de l'Aéroport de Luxembourg, am Kader vum Projet „Skypark Business Center“ um Findel Retarden, wat d'Bezuele vun de Rechnunge vun den engagéierten Entreprises an de Fournisseurs ugeet. Och géif et an de Kontrakter eng Klausel ginn, déi beseet, dat lux-Airport bei Retarde vun de Rechnungen 10 Prozent Strofzëns bezuele muss. An dem Kontext wollt ech folgend Froen un den Här Transportminister a Minister fir ëffentlech Baute stellen:

- Kann den Här Minister confirméieren, dass et bei der Firma lux-Airport SA Retarde beim Bezuele vun de Rechnunge gëtt?
 - Wa jo, wat sinn d'Grënn fir dës Retarden?
 - Wa jo, wéi vill Rechnunge stinn nach op an em wat fir eng Zomm handelt et sech?
 - Wéini wäerten d'Rechnunge bezuelt ginn?
- Kann den Här Minister confirméieren, dass an de Kontrakter mat den engagéierten Entreprises a Fournisseurs eng Klausel virgesinn ass, dass am Fall vu Retarden 10 Prozent Strofzëns fälleg sinn?
- Wéi vill wäert de Projet „Skypark Business Center“ um Findel insgesamt kaschten?
 - Gëtt den urspréngleche Budget agehalen?
 - Wann nee, wat sinn d'Ursaache fir den Depassement?

Här President, ech bieden Iech, mäin déifste Respekt unzehuelen.

A handwritten signature in black ink, consisting of the letters 'LM' followed by a horizontal line extending to the right.

Laurent Mosar

Deputéierten